

Crveno-bijelo-crvena karta

I Šta je CBC karta?

Austrijskim zakonom o zapošljavanju stranaca, od 1. jula 2011. godine, izmjenjeni su kriteriji za ostanak stranih državljana u ovoj zemlji. Uz pomoć Crveno-bijelo-crvene karte Austrija uvodi novi fleksibilni imigracijski sustav. Cilj je stručnoj i ključnoj snazi iz trećih zemalja i članovima njihovih obitelji omogućiti trajno useljavanje u Austriju na temelju osobnih kriterija i kriterija tržišta rada. Najvažniji kriteriji su: kvalifikacije, profesionalno iskustvo, dob, poznavanje stranih jezika, odgovarajuća ponuda radnih mjesta, plaća koja odgovara kvalifikacijama osobe.

Karakteristike programa Crveno-bijelo-crvene karte su da ne postoje obavezne kvote za zapošljavanje već ispunjavanje kriterijuma na osnovu sistema bodova.

Postoje dvije vrste karti koje se mogu dobiti:

- Crveno-bijelo-crvena karta koja podrazumijeva boravišnu i radnu dozvolu, te važi za godina dana za samo jednog poslodavca i
- Crveno-bijelo-crvene karta plus koja se izdaje nakon godinu dana boravka u Austriji i minimum 10 mjeseci rada u struci koja odgovara profesionalnoj kvalifikaciji zaposlenog, a podrazumijeva slobodan pristup tržištu rada i mogućnost doseljavanja porodice (djeca do 18. godine i bračni partner). Članovi porodice mogu dobiti Crveno-bijelu-crvenu kartu plus ako mogu dokazati poznavanje jezika (A1-nivo), dovoljna porodična primanja.

Obratite pažnju: prilikom podnošenja zahtjeva za Crveno-bijelu-crvenu kartu mora postojati konkretni poslodavac sa konkretnom ponudom za posao. Taj poslodavac mora priložiti i Izjavu poslodavca. Podnošenje zahtjeva ne znači da će podnosilac zahtjeva biti posredovan preko Službi za zapošljavanje.

Više o programu Crveno-bijelo-crvena karta možete naći [ovdje](#).

II Ko može aplicirati na program Crveno-bijele-crvene karte?

- osobe sa izuzetno visokom školskom spremom
- osobe sa zanimanjem koje se smatra deficitarnim
- osobe sa ostalim ključnim zanimanjima
- diplomirani studenti univerziteta i ostalih visokoškolskih institucija u Austriji

III Koji su kriteriji i procedure za apliciranje?

1. Osobe sa izuzetno visokom školskom spremom

Kriteriji

- potrebno najmanje 70 do 100 bodova
- visoka stručna sprema, minimum četvorogodišnji studij, titula profesora, visoka posljednja zarada
- iskustvo u struci
- znanje jezika
- dob
- studij u Austriji

Osoba mora imati ponudu za konkretno radno mjesto.

Procedure

Viza za traženje posla (za zemlje sa viznim režimom)

- ✓ Lični zahtjev u Austrijskoj Ambasadi ili Konzulatu
- ✓ Potrebno dostaviti sva potrebna dokumenta (njemački ili engleski); provjera vjerodostojnosti
- ✓ Dokumenta se prosljeđuju na dalju obradu u Austrijsku službu zapošljavanja (AMS)
- ✓ U slučaju pozitivnog ishoda: Ambasada ili Konzulat izdaju vizu
- ✓ Dolazak u Austriju i potraga za zaposlenjem

CBC-Karta, ukoliko je u toku 6 mjeseci tj. u toku dozvoljenog boravka bez vize (za zemlje bezviznog režima) nađen poslodavac:

- ✓ Zahtjev se predaje kod lokalne institucije zadužene za boravišne dozvole (općina, magistrat)
- ✓ Zahtjev se dalje prosljeđuje AMS-u radi provjere ugovora o radu (da li odgovara kvalifikacijama; uslovi rada i zarada)
- ✓ U slučaju pozitivnog ishoda: obavještenje institucije zadužene za pitanja boravka; izdavanje CBC-Karte

2. Osobe sa zanimanjem koje se smatra deficitarnim

Kriteriji

Uslov: Uredba o deficitarnim zanimanjima.

Zanimanja koja su Uredbom proglašena deficitarnim u 2013. godini možete naći [ovdje](#).

- poslovnu ponudu za zanimanje u okviru deficitarnih zanimanja

- potrebno najmanje 50 do 75 bodova
- zanimanje koje se ubraja u deficitarno, dodatni bodovi za maturu ili završen fakultet
- znanje jezika
- dob
- iskustvo u struci

Procedure

Zahtjev za izdavanje CBC-Karte

- ✓ u Ambasadi ili Konzulatu
- ✓ zemlje bezviznog režima: moguća predaja zahtjeva u Austriji (institucije zadužene za pitanja boravka)

• Potrebna dokumentacija:

- ✓ Pismena izjava poslodavca uz predavljanje svih karakteristika radnog odnosa (odgovarajući uslovi rada i zarada; tačna kategorizacija u okviru zdravstvenog osiguranja!)
- ✓ Dokaz ostvarenog broja bodova
 - ✓ Provjera od strane AMS-a
- ✓ U slučaju pozitivnog ishoda: obavještenje institucije zadužene za pitanja boravka; izdavanje CBC-Karte

3. Osobe sa ostalim ključnim zanimanjima

Kriteriji

- **poslovnu ponudu za zanimanje koje odgovara klasifikacijama**

- potrebno najmanje 50 do 75 bodova
- strukovno obrazovanje ili posebna znanja i vještine, dodatni bodovi za maturu ili završen fakultet; bonus bodovi za profesionalne sportiste i sportske trenere
- znanje jezika
- dob
- iskustvo u struci
- osoba mora imati odgovarajuću zaradu. Za 2013.godinu, zarada je slijedeća:
- iznad 30 godina: 2.664 eura bruto/mjesečno, plus bonusi
- ispod 30 godina: 2.220 eura bruto/mjesečno, plus bonusi

- **Provjera Službi za zapošljavanje:** Crveno-bijela-crvena karta može biti izdata samo za željena radna mjesta, koja ne mogu biti popunjena domaćim ili integriranim stranim radnicima.

Procedure

Zahtjev za CBC-Kartu

- ✓ u Ambasadi ili Konzulatu
- ✓ zemlje bez viznog režima: moguća predaja zahtjeva u Austriji (institucije zadužene za pitanja boravka)

• Potrebna dokumentacija:

- ✓ Pismena izjava poslodavca uz predavljanje svih karakteristika radnog odnosa (odgovarajući uslovi rada i zarada; zakonska minimalna plaća)
- ✓ Dokaz ostvarenog broja bodova
- Provjera od strane AMS-a
- ✓ U slučaju pozitivnog ishoda: obavještenje institucije zadužene za pitanja boravka; izdavanje CBC-Karte

4. Diplomirani studenti univerziteta i ostalih visokoškolskih institucija u Austriji

Kriteriji

Diplomirani studenti fakulteta

- studij (univerzitet, viša škola) diplomski studij od drugog ciklusa i master studij, završeni u Austriji
- postojanje poslovne ponude (adekvatna stepenu obrazovanja)
- zarada odgovarajuća mjestu prebivališta, minimalna 1.998 eura bruto/mjesečno (2013)
- nepotreban katalog bodova
- prelazak na CBC kartu max. 6 mjeseci po završetku studija.

Učenici i studenti

- radna dozvola bez provjere službi za zapošljavanje do 10 radnih sati u sedmici, za napredni studij (2.ciklus diplomski ili master studij) do 20 radnih sati u sedmici
- zapošljavanje preko 10 i 20 radnih sati u sedmici moguće je samo nakon provjere Službi za zapošljavanje
- svaka vrsta zaposlenja moguća uz pridržavanje kriterija rada i zarade
- ovdje se ne izdaje CBC karta već radna dozvola

IV Kako aplicirati?

Sva pitanja i provjera uslova odvijaju se preko web stranice: **www.migration.gv.at**

Ova web stranica je dvojezična (njemački/engleski jezik) i kandidati moraju minimalno poznavati jedan od ova dva jezika kako bi mogli koristiti alate na web stranici.

Sadržaj web stranice obuhvata:

- računar broja bodova
- pitanja & odgovore
- link ka EURES portalu za zapošljavanje (internet i novine-linkovi pod Fragen & Antworten)
- adrese i linkove
- zakonske osnove
- download svih relevantnih formulara
- mogućnosti kontakta
- kontaktni formulara za detaljnija pitanja

Na sva pitanja koja vas interesuju odgovore možete dobiti putem kontakt formulara.

Također, za više informacija možete se obratiti Austrijskoj ambasadi u Sarajevu, na e-mail adresu:

SARAJEWO-OB@bmeia.gv.at